

陸放翁詩鈔


龜

柳田文庫

文庫11

D 220

2



文庫11
D 220
2



放翁先生詩鈔

清 周之麟 雪蒼

全選

日本

大窪行

天民

全校

柴升 錦川

山本謹

公行

七言律

新夏感事

百花過盡綠陰成，漠漠爐香睡晚晴。
病起兼旬疎把酒，山深四月始聞鶯。
近傳下詔通言路，已卜餘年見太平。
聖主不忘初政美，小儒惟有涕縱橫。

留題雲門草堂

小住初為旬月期，二年留滯未應非。
尋碑野寺雲生屨，



010190556684

送客溪橋雪滿衣，親滌硯池餘墨漬。臥看爐面散煙霏，
他年遊宦應無此。早買漁蓑未老歸。

渡浮橋至南臺

客中多病廢登臨，聞說南臺試一尋。九軌徐行怒濤上，
千艘橫繫大江心。寺樓鐘鼓催昏曉，墟落煙雲自古今。
白髮未除豪氣在，醉吹橫笛坐榕陰。

出縣

匆匆簿領不堪論，出宿聊寬久客魂。稻隴牛行泥活活，
野塘橋壞雨昏昏。槿籬護藥纔通徑，竹筧分泉自遍村。
歸計未成留亦好，愁腸不用遶吳門。

還縣

霽色清和日已長，綸巾蕭散意差強。飛飛鷗鷺陂塘綠，
鬱鬱桑麻風露香。南陌東村初過社，輕裝小隊似還鄉。
哦詩忘却登車去，枉是人言作吏忙。

雨晴遊洞宮山天慶觀坐間復雨

近水松簧鎖翠微，洞天宮殿對清暉。快晴似爲除襟計，
雨急還妨燕子飛。道士晝閒丹竈冷，山童曉出藥苗肥。
拂牀不用勤留客，我困文書自怕歸。

曾原伯屢勸居城中而僕方欲自梅山入雲門今

日病酒偶得長句奉寄

曾原伯
雨急本
集作急
雨

借得僧房似釣船，兼旬散髮醉江天。酒能作病真如此，窮乃工詩却未然。閒似白鷗雖自許，健如黃犢已無緣。秋高更欲移家去，先葺雲門屋數椽。

夏夜泛舟書所見

山房猶復畏炎蒸，長掩柴門媿老僧。兩槩去搖東浦月，一龕回望上方燈。驚飛宿鳥時呼侶，騰起長魚有脫罾。夜半歸來步松影，真成赤脚踏層冰。

逍遙

臺省諸公日造朝，放慵別駕媿逍遙。州如斗大真無事，日抵年長未易消。午坐焚香常寂寂，晨興署字亦寥寥。

時平更喜戈船靜，閒看城邊帶雨潮。

病中簡仲瀾性唐克明蘇訓直

移疾還家暫曲肱，依然耐久北窗燈。心如澤國春歸雁，身是雲堂旦過僧。細雨佩壺尋廢寺，夕陽下馬弔荒陵。小留莫厭時追逐，勝社年來冷欲冰。

三君皆有歸志故云

次韻无咎別後見寄

平日盃行不解辭，長亭况是送君時。幾行零落僧窗字，何限流傳樂府詩。歸思却如重醞酒，歡情畧似欲殘棋。龍蛇飛動無由見，坐媿文園屬思遲。

詩來彌月乃能和答故云

望江道中

却本集
作恰

始本集
作如鳥
作鳥

放翁詩集

吾道非邪來曠野江濤始此去何之起隨鳥鵲初翻後
宿及牛羊欲下時風力漸添帆力健艚聲常雜雁聲悲
晚來又入淮南路紅樹青山合有詩

奇答綿州楊齊伯左司

磊落人為磊落州勝王閣望越王樓欲憑夢去直虛語
賴有詩來寬旅愁我老一官書紙尾君行千騎試遨頭
遙知小寄生平快春酒如川炙萬牛

自詠示客

衰髮蕭蕭老郡丞洪州又看上元燈羞將枉直分每尺
寧走東西就斗升吏進飽諧籍紙尾客來苦勸摸牀稜

歸裝漸理君知否笑指廬山古澗藤廬山僧近寄
藤杖甚奇

寄陶茂安監丞

永州太守鬢毛殘矍鑠猶能起據鞍徵士雖思賦松菊
隱居未可挂衣冠功名夢境元非實歌舞山城且自寬
也勝鍾陵窮別駕閉門無客遣憂端

寒食臨川道中

百卉千花了不存墮溪飛絮看無痕家人自作清明節
老子來穿綠暗村日落啼鴉隨野祭雨餘荒蔓上頽垣
道邊醉飽休相避作吏堪羞甚乞墦

初夏道中

惺惺本
惺惺本

桑間甚熟麥齊腰，鶯語惺惺野雉驕。日薄人家晒蠶子，
雨餘山客買魚苗。豐年隨處俱堪樂，行路終然不自聊。
獨喜此身強健在，又搖團扇著絺蕉。

遊山西村

莫笑農家臘酒渾，豐年留客足鷄豚。山重水複疑無路，
柳暗花明又一村。簫鼓追隨春社近，衣冠簡朴古風存。
從今若許閒乘月，拄杖無時夜叩門。

觀村童戲溪上

雨餘溪水掠堤平，閒看兒童戲晚晴。竹馬踉蹌衝淖去，
紙鳶跋扈挾風鳴。三冬暫就儒生學，
村人惟冬三月
遣兒童入小學干

寫本集
作村

耦還從父老耕，識字粗堪供賦役。不須辛苦慕公卿，

上虞逆旅見舊題歲月感懷

舴艋為家東復西，今朝破曉下前溪。青山缺處日初上，
孤店開時鶯亂啼。倦枕不成千里夢，壞牆聞覓十年題。
漆園散吏猶非達，物我區區豈足齊。

僧房假榻

過盡青山喚渡船，晚窻洗脚臥僧壇。剩債平日清遊願，
更結來生熟睡緣。吞啄漸稀如老鶴，鳴聲已斷似寒蟬。
旁觀莫苦嘲癡鈍，此妙吾宗秘不傳。

送芮國器司業

汝詩

七言律

五

此心知我豈非天，雙鬢皤然氣浩然。曾見仄寒百僚底，
真能山立萬夫前。洛城霜重聽宮漏，雪水雲深著釣船。
拈起吾宗安樂法，人生何處不隨緣。

晚泊

半世無歸似轉蓬，今年作夢到巴東。身遊萬死一生地，
路入千峰百嶂中。鄰舫有時來乞火，叢祠無處不祈風。
晚潮又泊淮南岸，落日啼鴉戍堞空。

題徐子禮宗丞自覺齋

未俗紛紛只自謾，惟公肯向靜中觀。閒看此事從何得，
正自他人著力難。茶熟松風生石鼎，香殘雲縷遶蒲團。

詞本集
伯祠

江湖多少癡禪衲，踏破青鞵覓話端。

雨中泊趙屯有感

歸燕羈鴻共斷魂，秋花楓葉泊孤邨。風吹暗浪重添纜，
雨送新寒半掩門。魚市人烟橫慘淡，龍祠簫鼓鬧黃昏。
此身且健無餘恨，行路雖難莫更論。

馬上

燈前薄飯陳鹽齏，帶睡強出行江隄。五更落月移樹影，
十月清霜侵馬蹄。荒陂噉噉已度雁，小市嗁嗁初鳴鷄。
可憐萬里覓歸夢，未到故山先自迷。

晚泊松滋渡口

小灘拍拍鷓鴣飛，深竹蕭蕭杜宇悲。
看鏡不堪衰病後，繫船最好夕陽時。
生涯落魄惟耽酒，客路蒼茫自詠詩。
莫問長安在何許，亂山孤店是松滋。

三游洞前巖下小潭水甚奇取以煎茶

苔徑芒屨滑，不妨潭邊聊得據。
胡牀巖空倒看峯巒影，
澗遠中含藥草香。汲取滿瓶牛乳白，
分流觸石珮聲長。囊中日鑄傳天下，
不是名泉不合嘗。

秣歸醉中懷都下諸公示坐客

長謠爲子說天涯，四座聽歌且勿譁。
蠻俗殺人供鬼祭，敗舟觸石委江沙。
此身長是滄浪客，何日能爲飽暖家。

坐憶故人空有夢，尺書不敢到京華。

憇歸州光孝寺寺後有楚冢近歲或發之得寶玉

劔珮之類

秣歸城畔蹋斜陽，古寺無僧畫閉房。
殘珮斷釵陵谷變，苦茆架竹井闌荒。
虎行欲與人爭路，猿嘯能令客斷腸。
寂寞倚樓搔短髮，剗題新恨付巴娘。

登江樓

已過瞿塘更少留，小船聊繫古夔州。
瞿唐關卽唐夔州也簿書未破三年夢，
杖履先尋百尺樓。
日暮雪雲迷峽口，歲窮畚火照關頭。
野人不解徵官縛，尊酒應來此散愁。

寒食

峽雲烘日欲成霞，灑水生紋淺見沙。又向蠻方作寒食，強持卮酒對梨花。身如巢燕年年客，心羨遊僧處處家。賴有春風能領略，一生相伴遍天涯。

初夏新晴

曲徑泥新晚照明，小軒纔受一牀橫。翩翩乳燕穿簾影，簌簌新篁解箨聲。藥物屏除知病減，夢魂安穩覺心平。深居不恨無來客，時有山禽自贊名。

睡起

時開試院中
已月餘矣

深閉重門謝簿書，日長添得睡工夫。水紋笛簟涼如洗

雲碧紗幮薄，欲無半吐石榴看。著子新來梁燕見，將雛夢回茗椀聊須把。自掃桐陰置瓦爐。

西齋雨後

香椀灰深微炷火，茶鑪聲細緩煎湯。百年浮世幾人樂，一雨虛齋三日涼。簾外微風斜燕影，池邊殘照斂萱房。紗幮石枕蕭然臥，付與今宵幽夢長。

林亭書事

吏退林亭夏日長，烏紗白紵自生涼。遠簷密葉惟三面，覆水青萍錦一方。約束蠻僮收藥富，催呼稚子曬書忙。平生幽事還拈起，未覺巴山異故鄉。

秋思

魚復城邊逢雁飛，白頭羈客恨依依。遠遊眼底故交少，晚歲人間樂事稀。雲重古關傳夜柝，月斜深巷擣秋衣。官閒况是頻移疾，藥鼎炎炎臥掩扉。

別王伯高

冷落何人肯見尋，斷弦塵匣愧知音。傾家釀酒猶嫌少，入海求詩未厭深。薄宦簿書嘗袞袞，中年光景易駸駸。香奩贈別非無意，共約跣趺看此心。

馬上

殘年流轉似萍根，馬上傷春易斷魂。烘煖花無經日蕊

漲深水過去年痕，迷行每問樵夫路。投宿時敲竹寺門，不信太平元有象。牛羊點點散烟邨。

柳林酒家小樓

桃花如燒酒如油，緩轡郊原當出遊。微倦放教成午夢，宿醒留得伴春愁。遠途始悟乾坤大，晚節偏驚歲月遒。記取晴明果州路，半天高柳小青樓。

風雨中過龍洞閣

飄然醉袖怒人扶，箇裏何曾有畏塗。卷地黑風吹慘淡，半天朱閣插虛無。闌邊歸鶴如爭捷，雲表飛仙定可呼。莫怪衰翁心膽壯，此身元是一枯株。

晴明本
集同疑
齊明誤

簡章德茂

殊方邂逅豈無緣，世事多乖復悵然。造物無情吾輩老，
古人不死此心傳。冷雲黯黯朝橫棧，紅葉蕭蕭夜滿船。
箇裡約君同著句，不應輸與灞橋邊。

閬中作

挽住征衣爲濯塵，閬州三釀絕芳醇。鶯花舊識非生客，
山水曾遊是故人。邀樂無時冠巴蜀，語音漸正帶咸秦。
平生賸有尋梅債，作意城南看小春。

自笑

自笑謀生事事疎，年來雜與地俱無。平章春韭秋菘味，

拆補天吳紫鳳圖。食肉定知無骨相，珥貂空自誑頭顱。
惟餘數卷殘書在，破篋蕭然笑徐奴。

嘉州舖得檄遂行中夜次小栢

黃旗傳檄趣歸程，急服單裝破夜行。蕭蕭霜飛當十月，
離離斗轉欲三更。酒消頓覺衣裘薄，驛近先看炬火迎。
渭水函關元不遠，著鞭無日涕空橫。

書事

生長江湖狎釣船，跨鞍塞上亦前緣。雲埋廢苑呼鷹處，
雪暗荒郊射虎天。醪酒芳醇偏易醉，胡羊肥美了無羶。
揚州雖有東歸日，閒置車中定悵然。

且成都泛舟自三泉至益昌謀以明年下三峽
詩酒清狂二十年又摩病眼看西川心如老驥常千里
身似春蠶已再眠算雪鳥奴停醉帽秋風白帝放歸船
飄零自是關天命錯被人呼作地仙

雪晴行益昌道中頗有春意

杜陵雁下歲將殘正馬西遊雪擁關顛顛敢忘雙闕路
淹遲遍看兩川山春回柳眼梅鬚裏愁在鞭絲帽影間
安得黃金成人藥為人千載駐顏顏

綿州魏成縣驛有羅江東詩云芳草有情皆礙馬
好雲無處不遮樓戲用其韻

老夫乘興忽西遊遠跨秦吳萬里秋尊酒登臨遍山寺
歌辭散落滿江樓孤城木葉蕭蕭下古驛灘聲瀟瀟流
未許詩人誇此地茂林修竹憶吾州

成都歲暮始微寒小酌遣興

革帶頻移紗帽寬茶鑪欲熟篆香殘疎梅已報先春信
小雨初成十月寒身似野僧猶有髮門如村舍強名官
鼠肝蟲臂元無擇遇酒猶能罄一歡

海棠 范希元園

誰道名花獨故宮 謂故蜀燕王宮 東城盛麗足爭雄橫陳錦障
闌干外盡吸紅雲酒醖中貪看不辭持夜燭倚在直欲

獨本集
同疑蜀

擅春風拾遺舊詠悲零落瘦損腰圍擬未工老杜不應無海棠詩

意其失傳爾

自蜀州暫還成都奉簡諸公

不染元規一點塵行歌偶到錦江濱淋漓詩酒無虛日
判斷鶯花又過春客路柳陰初墮絮還家梅子欲生仁
更須作意勤相過要信年光屬散人

登荔枝樓

平羌江水接天流涼入簾櫳已似秋喚作主人元是客
知非吾土強登樓間憑曲檻常忘去欲下危梯更小留
公事無多厨釀美此身不負負嘉州醉能詩不負嘉州只負身

晚登望雲二首

一出修門又十年葦流多已珥金蟬衰如蠹葉秋先覺
愁似鰥魚夜不眠輦路疎槐迎駕處苑城殘日泛湖天
君恩未報身今老徒倚危樓一泫然

晚來烟雨暗江干烽火遙傳畫角殘看鏡功名空自許
上樓懷抱若為寬青楓搖落新秋令白髮淒涼舊史官
飽見少年輕宿士可憐隨處強追歡

秋日懷東湖

菴畫池邊小釣磯垂竿幾度到斜暉青萍葉動知魚過
朱閣簾開看燕歸歲晚官身空自閤途窮世事巧相違

邊州客少巴歌陋，誰與愁城略解圍。

深居

作吏難堪簿領迷，深居聊復學幽棲。病來酒戶何妨小，老去詩名不厭低。零落野雲寒傍水，霏微山雨晚成泥。自憐甫里家風在，小摘殘蔬遶廢畦。

八月二十二日嘉州大閱

陌上弓刀擁寓公，水邊旌旆卷秋風。書生又試戎衣窄，山郡新添畫角雄。郡舊止角四枝，近方增如式。早事樞庭虛畫策，晚遊幕府媿無功。草間鼠輩何勞磔，要挽天河洗洛嵩。

下元日五更詣天慶觀寶林寺

珠本集
琳

朝罷珠宮謁寶坊，強扶衰病具簪裳。攤裘假寐籃輿穩，夾道吹烟樺炬香。樓外曉星猶磊落，山頭初日已蒼涼。鳴騶應有高人笑，五斗驅君早夜忙。

梅花

月地雲階暗斷腸，知心誰解賞孤芳。相逢只怪影亦好，歸去始驚身染香。渡口耐寒窺淨綠，橋邊凝怨立昏黃。與卿俱是江南客，剗欲尊前說故鄉。

曉坐

低枕孤衾夜氣存，披衣起坐默忘言。餅花力盡無風墮，爐火灰深到曉溫。空橐時聞鼠齧，小窗一一送鴉翻。

悠然忽記幽居日下榻先開水際門

十二月初一日得梅一枝絕奇戲作長句今年於是四賦此花矣

高標已壓萬花羣尚恐嬌春習氣存月兔搗霜供換骨
湘娥鼓瑟為招魂孤城小驛初飛雪斷角殘鐘半掩門
盡意端相終有恨夜寒皴玉倩誰溫

快晴

地濶天門斗柄回今朝紅日遍池臺新陽蘇醒春前柳
輕暖醫治雪後梅瓦屋螺奇披霧出錦江鴨綠抱山來
衰翁也逐兒童喜旋撥文書近酒盃

編本集
不關門

遊修覺寺

上盡蒼崖百級梯詩囊香碗手親攜山從飛鳥行邊出
天向平蕪盡處低花落忽驚春事晚樓高剩覺客魂迷
興闌掃榻禪房臥清夢還應到剡溪

東湖新竹

插棘編籬謹護持養成寒碧映淪漪清風掠地秋先到
赤日行天午不知解籜時聞聲簌簌放梢初見葉離離
官閒我欲頻來此枕簟仍教到處隨

夏日湖上

烏帽筇枝散客愁不妨胥史雜沙鷗迎風枕簟平欺暑

近水簾櫳探借秋，茶竈遠從林下見。釣筒常向月中收，
江湖四十餘年夢。豈信人間有蜀州。

病後暑雨書懷

髮毛蕭颯疾初平，雲物輪囷氣未清。水漲小亭無路到，
雨多幽草上牆生。窗昏蝨滅讐書課，屋老時聞墮瓦聲。
止酒亡聊還自笑，少年豪飲似長鯨。

宴西樓

西樓遺跡尚豪雄，錦繡笙簫在半空。萬里因循成久客，
一年容易又秋風。燭光低映珠簾麗，酒暈徐添玉頰紅。
歸路迎涼更堪愛，摩訶池上月方中。

蘇東坡集

秋思

大面山前秋笛清，細腰宮畔草灘平。吳檣楚柁動歸思，
隴月巴雲空復情。萬里風塵舊朝士，百年鉛槧老書生。
水邨漁市從今始，安用區區海內名。

夜讀了翁遺文有感

秋雨蕭蕭夜不眠，挑燈開卷意凄然。吾曹自欲期千載，
世論何曾待百年。當日公卿笑迂濶，卽今河洛污腥膻。
陰陽消長從來事，玩易深知屢絕編。公有易傳

次韻師伯渾見寄

窮鄉久客易消魂，短髮秋來白幾分。夢泛扁舟鏡湖月，

身騎瘦馬劔關雲萬鈞，寶帶知何用九轉金丹。幸有聞
欲與先生同此計，會營茅舍近江濱。伯渾隱龍山僕亦
有結茅墓津之意

題丈人觀道院壁

斷香浮月磬聲殘，木影如龍布石壇。偶駕青鸞塵世窄，
閒吹玉笛洞天寒。奇香滿院晨炊藥，異氣穿巖夜浴丹。
却笑飛仙未忘俗，金貂猶著侍中冠。孫太古畫范長生
作舉手整貂蟬像

神氣尤
奇逸

自上清延慶歸過丈人觀少留

再到蓬萊路欲平，却吹長笛過青城。空山霜葉無行迹，
半嶺天風有嘯聲。細棧跨雲縈峭絕，危橋飛柱插澄清。

玉華更控青鸞住，要倚闌干待月明。玉華樓名

晚登橫溪閣

華嶺坡頭節竹枝，西臨郵路立多時。賣蔬市近還家早，
煮井人忙下麥遲。榮多鹽井秋冬
收薪茅最急病客情懷常怯酒，山

巖本集
作取非

城老景盡供詩。晚來試問愁多少，只許高樓橫笛吹。

成都書事

大城少城柳已青，東臺西臺雪正晴。鶯花又作新年夢，
絲竹常聞靜夜聲。廢苑烟蕪迎馬動，清江春漲拍堤平。
尊中酒滿身強健，未恨飄零過此生。

自合江亭涉江至趙園

政爲梅花憶兩京，海棠又滿錦官城。鴉藏高柳陰初密，
馬涉清江水未生。風掠春衫驚小冷，酒潮玉頰見微頰。
殘年飄泊無時了，腸斷樓頭畫角聲。

春晚書懷

萬里西遊爲覓詩，錦城更付一官癡。脫巾漉酒從人笑，
拄笏看山頗自奇。疎雨池塘魚避釣，曉鶯窗戶客爭基。
老來怕與春爲別，醉過殘紅滿地時。

春殘

石鏡山前送落暉，春殘回首倍依依。時平壯士無功老，
鄉遠征人有夢歸。苜蓿苗侵官道合，蕪菁花入麥畦稀。

倦遊自笑摧頽甚，誰記飛鷹醉打圍。

自芳華樓過瑤林莊

春晚江邊草過腰，雨餘樓下水平橋。名花未落如相待，
佳客能來不費招。欄角峭風羅袖薄，柳陰斜日玉驄驕。
此身醉死元關命，敢笑聞雞趁早朝。

卜居

歷盡人間行路難，老來要覓數年間。供家米少因添鶴，
買宅錢多爲見山。池面紋生風細細，花根土潤雨斑斑。
借春乞火依隣里，剩釀邨醪約往還。

三月十六日作

石筍街西風景幽，醉眠萬事付悠悠。倦遊我已七年客，促駕春無三日留。枝上蝶稀紅藥老，舍中蠶起綠桑柔。功名墮甌誰能問，羞作饑鷹夜掣鞬。

登子城新樓遍至西園池亭

狂夫無計奈狂何，何況登臨逸興多。千愛雪山連滴博，一支春水入摩訶。吟餘騎省霜侵鬢，釣罷玄真雨滿蓑。逐榆關期尚遠，不妨隨處得婆娑。

過野人家有感

縱轡江臯送夕暉，誰家井臼映荆扉。隔籬犬吠窺人過，滿箔蠶饑待葉歸。吳人直謂桑日葉世態十年看爛熟，家山萬

本集逐下有虜字

本集作旗

里夢依稀躬耕本，是英豪事老死南陽未必非。

幽居晚興

借釰斲藥喜微香，汲井澆花趁晚涼。胸次何曾橫一物，尊前尚欲笑千場。錦江秋雨芙蓉老，笠澤春風杜若芳。歸去自佳留亦樂，夢中何處是吾鄉。

席上作

綠波畫漿浣花船，清簟疎簾角黍筵。一幅葛巾林下客，百壺春酒飲中仙。散懷絲管繁華地，寄傲江湖浩蕩天。浮世升沉何足計，丹成碧落珥貂蟬。青城山中有孫太古畫碧落侍中范長生舉手整貂蟬像特妙

睡起

睡味清酣鼻息輕，碧幙文簾喜涼生。片雲過處失簾影，
急雨來時聞瓦聲。索尚憑三輔險，散關未下九天兵。
白頭漫倚詩豪在，手掣鯨魚意未平。

本集索下有字

待青城道人不至

我亦從來薄世緣，偶然采藥到西川。慵追萬里騎鯨客，
且伴千年化鶴仙。金鼎養丹噉海日，玉壺取酒醉江天。
朝來坐待方平久，讀盡黃庭內外篇。

十日夜月中馬上作

身遊碧海跨鯨魚，心似寒冰貯玉壺。衣濕三更清露墮

眼明萬里片雲無，橫空孤鶴曾相識。散髮飛仙定可呼，
老向人間無復意，逝將從此謁清都。

和范待制秋興

睡臉餘痕印枕紋，秋衾微潤覆爐熏。井桐搖落先霜盡，
衣杵淒涼帶月聞。佛屋紗燈明小像，經奩魚蠹蝕真文。
身如病驥惟思臥，誰許能空萬馬羣。

東門外遍歷諸園及僧院觀遊人之盛

馬上哦詩畫醉鞭，東城南陌去翩翩。微風蹙水魚鱗浪，
薄日烘雲卵色天。隔屋鳩鳴聞院落，爭門花簇小輜軒。
病來久已疎杯酌，春物撩人又破禪。

後陵厚陵作永慶院在大西門外不及一里蓋王建墓也有二石幢猶當時物又有太后墓琢石為人馬甚偉

陵闕淒涼俯舊邦恨流袞袞似長江穿殘已嘆金鳧盡
缺落空餘石馬雙攫飯飢鳥占寺鼓避人飛鼠上經幢
阿和乳臭崇韜毫堪笑昏童束手降

登劍南西川門感懷

自古高樓傷客情更堪萬里望吳京故人不見算雲合
客子欲歸春水生瘴癘連年須藥石退藏無地著柴荆
諸公勉畫平戎策投老深思看太平

登上清小閣

樓觀參差倚晚晴偶然信脚得閒行欲求靈藥換凡骨
先挽天河洗俗情雲作玉峯時特起山如翠浪盡東傾
何因從此橫空去笙鶴飄然過洛城

眉州作

扁舟久不泛蠡津常恐黃塵解汚人爛醉破除千日懣
予不至眉山三年矣狂吟判斷四州春此行自成都歷永汀洲漸
嘆蘋花老風露初嘗荔子新便欲騎鯨東海去勝遊未
忍別峨眉

早行至江原

嗚呼鳴雞促起程，翻翻飛鷺導孤征。節旄盡落歸猶遠，帶眼頻移瘦自驚。小市蕭條黃葉滿，斷橋零落綠苔生。居人猶復多愁思，何況天涯倦客情。

書寓舍壁

天與癡頑不解愁，未埋病骨且閒遊。山於拄杖橫時看，路到芒屨破處休。初擬燒丹住南嶽，却因學劍客西州。秋風中葛溼蕭爽，又作臨邛十日留。

獵罷夜飲示獨孤生

白袍如雪寶刀橫，醉上銀鞍身更輕。帖草角鷹掀兔窟，憑風羽箭作鴟鳴。關河可使成南北，豪傑誰堪共死生。

欲疏萬言投魏闕，燈前攬筆涕先傾。

秋晚登城北門

幅巾藜杖北城頭，卷地西風滿眼愁。一點烽傳散關信，兩行雁帶杜陵秋。山河興廢供搔首，身世安危入倚樓。橫槊賦詩非復昔，夢魂猶繞古梁州。

數日暄妍頗有春意，予閒居無日不出遊戲作

小春花蕾索春饒，已有暄風入紫貂。邨路雨晴鳩婦喜，射場草綠雉媒嬌。苑邊結客飛金勒，樓上誰家弄玉簫。莫怪夕陽歸獨後，早梅喚我度谿橋。蜀官華苑在摩訶池上

江樓醉中作

淋漓百榼宴江樓，秉燭揮毫氣尚遒。天上但聞星主酒，人間寧有地埋憂。生希李廣名飛將，死慕劉伶贈醉侯。戲語佳人頻一笑，錦城已是六年留。退之詩云：越女笑三年留。

遠遊

遠遊行復歲華新，嬾學劉郎問大鈞。一點不蒙稽古力，十分合作臥雲身。苦寒與酒頓增價，小雨為梅先辟塵。擬佩一壺江路去，花邊醉墮白綸巾。

譚德稱

幼輿骨相稱山巖，自要閒遊不避讒。錦里先生為老伴，玉霄散吏是頭銜。探春苑路花簪帽，看月江樓酒滿衫。

惟恨題詩無逸氣，媿君陣馬與風颿。

得都下八月書報蒙恩牧敘州

鳳城書到錦江邊，故里歸期愈渺然。掌上山川初入夢，壺中日月尚經年。方輪落落難推轂，倦馬駸駸怕著鞭。未佩魚符無吏責，看花且作拾遺顛。戊期尚在明年冬。

青羊宮小飲贈道士

青羊道士竹為家，也種玄都觀裏花。微雨晴時看鶴舞，小窗幽處聽蜂衙。藥爐宿火熒熒煖，醉袖迎風獵獵斜。老我一官真漫浪，會來分子淡生涯。

閒意

柴門雖設不曾開，爲怕人行損綠苔。
妍日漸催春意動，好風時捲市聲來。
學經妻問生疎字，嘗酒兒斟飲澆盃。
安得小園寬半畝，黃梅綠李一時栽。

夜雨有感

北風吹雨暗江郊，十月僧廬旋補茆。
病馬敢希三品料，驚禽聊借一枝巢。
少時諸老爭求識，晚歲殊方罕定交。
閉戶不妨新得趣，月經盈篋手親抄。

歲晚懷鏡湖舊隱慨然有作

公府還家鬢未秋，鏡湖南畔決歸休。
讀書精舍豈輕出，采藥名山成遠遊。
白墮興來猶小醉，青精材足更何求。

俗間毀譽惟堪笑，常隘韓公咎斗牛。

泥花賞梅

老子人間自在身，挿梅不惜損烏巾。
春回積雪層冰裏，香動荒山野水濱。
帶月一枝低弄影，背風千片遠隨人。
石家樓上貪吹笛，肯放朝朝玉樹新。

寄王季夷

平生吾子最知心，巴隴飄零歲月侵。
萬里喜聞身尚健，五更惟有夢相尋。
插花意氣狂如昨，中酒情懷病至今。
共約暮年須強飯，天台廬阜要登臨。

初春遣興

爛熟思來怕熱官，退飛心地喜輕安。捨魚正可取熊掌，
食肉何須知馬肝。放眼柳梢初暗動，褪花梅子已微酸。
典衣剩作江頭醉，莫謂天涯苦鮮歡。

夜飲卽事

天涯久客我何堪，聊喜燈前得縱談。磊落金盤薦糖蟹，
纖柔玉指破霜柑。燭圍寶馬人將起，花墜紗巾酒正酣。
更作茶甌清絕夢，小窗橫幅畫江南。

東歸有日書懷

萬里橋邊白板扉，三年高臥謝塵機。半窗竹影棋僧去，
滿棹蘋風釣伴歸。看鏡已添新雪鬢，聽雞重拂舊朝衣。

故人零落今無幾，華表空悲老令威。

舟過玉津

玻璃江上送殘春，疊鼓催颿過玉津。蜀苑鶯花初破夢，
巴山風月又關身。幅巾久已忘朝憤，短劍惟思隱市廛。
莫倚諸公容此老，西曹那許叱車茵。

南定樓遇急雨

行遍梁州到益州，今年又作度瀘遊。江山重複爭供眼，
風雨縱橫亂入樓。人語未離逢峒獠，棹歌欵乃下吳舟。
天涯住穩歸心嬾，登覽茫然却欲愁。

醉歸

持酒江頭到夕霏，愁城頓覺解重圍。
澄波宜月移船看，醉面便風走馬歸。
末路已驚添白髮，故人頻報上黃扉。
疆隨官簿真成嬾，乞我吳松舊釣磯。

出遊

萬里崎嶇蜀道歸，荊州非復壯遊時。
行吟自怪詩情減，坐睡人驚酒量衰。
卷地風號雲夢澤，黏天草映伏波祠。
一枝藤杖平生事，擊鼓開帆未恨遲。

泊公安縣

秦關蜀道何遼哉，公安渡頭今始回。
無窮江水與天接，不斷海風吹月來。
船窗簾捲螢火鬧，沙渚露下蘋花開。

少年許國忽衰老，心折柁樓長

聞 作 笛哀

舟中偶書

老子西遊萬里回，江行長夏亦佳哉。
書眠初起報茶熟，宿酒半醒聞雨來。
漢口船開催疊鼓，淮南帆落亞高桅。
四方本是丈夫事，白首自憐心未灰。

舟行蘄黃間雨霽得便風有感

天青雲白十分晴，帆飽舟輕盡日行。
江底魚龍貪晝睡，淮南草木借秋聲。
好山縹緲何由住，華髮蕭條只自驚。
莫怪時人笑疎嬾，宦情元不似詩情。

六月十四日宿東林寺

看盡江湖千萬峯，不嫌雲夢芥吾胸。戲招西塞山前月，
來聽東林寺裏鐘。遠客豈知今再到，老僧能記昔相逢。
虛窗熟睡誰驚覺，野碓無人夜自舂。

舟過小孤有感

小孤山岬峭帆風，又見烟鬟縹緲中。萬里客經三峽路，
千篇詩費十年功。未嘗滿箸蒲芽白，先看堆盤鱸縷紅。
商略人生爲何事，一蓑從此入空濛。

沂谿

射的峯前禹廟東，短蓬三扇臥衰翁。閒攜清聖濁賢酒，
重試朝南岸北風。水落痕留紅蓼節，雨來聲滿綠蒲叢。

衝烟莫作匆匆去，擬看溪丁下釣筒。

書懷

愁向東華蹋軟紅，暫歸舊隱樂無窮。石池洗藥涓涓水，
漁艇投竿嫋嫋風。盡日醉醒菱唱裏，隣家來往竹陰中。
何須列戟長安第，四面雲山擁此翁。

冬夜泛舟有懷山南戎幕

釣船東去掠新塘，船近蓬低露蔟香。十里澄波明白石，
五更殘月伴清霜。飄飄楓葉無時下，嫋嫋菱歌盡意長。
誰信梁州當日事，鐵衣寒枕綠沉槍。

夢至成都悵然有作

春風小陌錦城西翠箔珠簾客意迷下盡牙籌閒縱博
刻殘畫燭戲分題紫瓊餽暖帳中醉紅叱撥驕花外嘶
孤夢淒涼身萬里令人憎殺五更雞

自雲門之陶山肩輿者失道行亂山中有茅舍小
塘極幽邃求見主人不可意其隱者也

陂池幽處有茅堂井曰蕭條艸樹荒小鴨怯波時聚散
病蔬傷蠹半青黃童兒衝雨收魚網婢子聞鐘上佛香
我亦暮年思屏迹數椽何計得連牆

題繡川驛

繡川池閣記曾遊落日欄邊特地愁白首即今行萬里

淡烟依舊送孤舟歸心久負鱸魚膾春色初回杜若洲
會買一蓑來釣雨憑誰先為謝沙鷗

宿仙霞嶺下

吾生真是一枯蓬行徧人間路未窮暫聽朝雞雙闕下
又騎羸馬萬山中重裘不敵晨霜力老木爭號夜谷風
切勿重尋散關夢朱顏改盡壯圖空連日風霜可畏自
去梁州未嘗有此

移疾

朝來移疾臥虛堂暫屏文書日更長鷗鷺近人情漸熟
簾櫳欲雨意先涼紗巾自照清池影葦笈閒銷古篆香

莫恨微霜侵綠鬢，為渠歇盡少年狂。

綠淨亭晚興

綠淨亭邊物色奇，放翁睡起曳筇枝。
新涼已似雁來後，微雨却如梅熟時。
綠竹成陰藏細棧，朱闌倒影入清池。
登臨獨恨非吾土，不為城頭畫角悲。

憶山南

醉墨淋漓酒百盃，轅門山色碧崔嵬。
打球駿馬千金買，切玉名刀萬里來。
結客漁陽時遣簡，踏營渭北夜銜枚。
十年一夢今誰記，閉置車中只自哀。

客思

表馬平生喜遠遊，算年顛領向南州。
文書與睡中分日，衰病和愁總怕秋。
無復雪郊看射虎，但思烟浦聽呼牛。
還家誰道無餘俸，倒橐猶堪買釣舟。

追感梁益舊遊有作

西遊萬里倚朱顏，官放尊前一笑慳。
蜀苑妓圍欺夜雪，梁州獵火滿秋山。
晚途忽墮塵埃裏，樂事渾疑夢寐間。
浮世變遷君勿歎，劇談猶是詫鄉關。

寓館晚興

隨牒人間不自憐，衢州孤驛更蕭然。
百年細數半行路，萬事不如長醉眠。
短髮經秋真種種，腹寬耐事只便便。

短髮本
兼同疑
倒

晚窗商略唯當飲安得黃花到眼邊今年九月將盡竟未見菊

雪中感成都

憶在西州遇雪時繡筵處處百花圍烏絲闌展新詩就
油壁車迎小獵歸感事鏡鸞悲獨舞寄書箏雁恨慵飛
愁多自是難成醉不為天寒酒力微

雨中遣懷

病中草草度年華睡起匆匆日易斜抵死愁禁千斛酒
薄情雨送一城花鏡湖烟水搖朱舫錦里香塵走鈿車
此夢即今都打破不妨寂寞住天涯

遣興

老子癡頑慣轉蓬殘年嬾復問窮通
敎書雖未除詩債盟府猶當策酒功
桐嶺市回人踏月柘岡月落鳥呼風
浮生觸處無真實豈獨南柯是夢中

三月二十一日作

蹙踰牆東一市萍歌鸞樓外兩旗斜
及時小雨放桐葉無賴餘寒開楝花
明月吹笙思蜀苑軟塵騎馬夢京華
懽情減盡朱顏改節物催人只自嗟

初夏

百葉盆榴照眼明桐陰初密暑猶清
深深簾幕度香縷寂寂房櫺聞燕聲
細煨詩聯憑棊几靜思棋劫對楸枰

浣花光景應如昨，回首西州一愴情。浣花四月十九日也

雨後獨登擬峴臺

高城斷處閣橫空，目力雖窮興未窮。燕子爭泥朱檻外，人家曬網綠洲中。誰能招喚三秋月，我欲憑陵萬里風。更比峴山無湛輩，論交惟是一枝筇。

秋日小雨有感

七月江邊暑已微，虛窗臥看雨霏霏。淒涼蛩伴艸根語，憔悴鵲從天上歸。志士酒酣看寶劍，美人淚盡倚鴛機。嗟予亦有新秋感，遙憶蒼苔滿釣磯。

病中久止酒有懷成都海棠之盛

碧雞坊裏海棠時，爛月兼旬醉不知。馬上難尋前夢境，樽前猶記舊歌辭。日窮落日橫千嶂，腸斷春風把一枝。說與故人應不信，茶烟禡榻鬢成絲。

橋南納涼

曳杖來追柳外涼，畫橋南畔倚胡牀。月明船笛參差起，風定池蓮自在香。半落星河知夜久，無窮草樹覺城荒。碧筒莫惜頽然醉，人事還隨日出忙。

夜酌

遙夜澆愁賴麴生，燈前忽見臥長瓶。比紅有句狂猶在，染白無方老已成。園徑露螢粘濕草，墻簷風鐸亂疎更。

悲秋要是騷人事，未必忘情勝有情。

送客城西

倦客憑鞍半醉醒，秋光滿眼歎頽齡。日斜野渡放船小，風急漁邨攤網腥。客思不堪聞斷鴈，詩情強半在郵亭。歸來更恨城笳咽，烟火昏昏獨掩屏。

秋思

黃落梧桐覆井牀，莎根日夜泣寒螿。老生窺鏡鬢成雪，俊鶻掣鞵天欲霜。破虜誰持白羽扇，從軍曾擁綠沈槍。壯心自笑何時豁，夢遶祁連古戰場。

新釀熟小酌索笑亭

新酒黃如脫殼鷺，小園持盞暫婆娑。文章不進技止此，仕宦忘歸人謂何。宿業簿書昏病眼，夢遊烟雨濕漁蓑。醉中笑向兒童說，白髮今年添幾多。

早行

江路迢迢馬首東，臨川一夢又成空。日高未泫晨霜白，風勁先消卯酒紅。山市人經饑饉後，孤生身老道途中。著身穩處君知否，射的峯前臥釣蓬。

青溪道中行古松間因少畱淪茶而行

露濕青松細細香，旋呼拄杖踏斜陽。三生舊發遊山願，一卷新傳辟穀方。雲外未論笙鶴近，塵中實厭簿書忙。

拾樵汲澗俱清絕，聊爲煎茶一據牀。

桐廬縣泛舟東歸

桐江艇子去乘月，笠澤老翁歸放慵。一尺輪囷霜蟹美，十分瀟灑社醅濃。宦遊何啻路九折，歸臥恨無山萬重。醉裏試吹蒼玉笛，爲君中夜舞魚龍。

新築山亭戲作

危檻凌風出半空，怪奇造化欲無功。天垂繚白縈青外，人在紛紅駭綠中。日月匆匆雙轉轂，古今杳杳一飛鴻。酒酣獨臥林間石，未許塵寰識此翁。

蔣州北窗

九陌黃塵早暮忙，幽人自愛北窗涼。清吟微變舊詩律，細字閒鈔新酒方。草木扶疎春已去，琴書蕭散日初長。破羌臨罷楮頤久，又破銅匱半篆香。

遣興

遶簷新葉著啼鴛，睡起東窗一榻橫。愁袞袞來疑有約，春堂堂去恨無情。鶻飛局上新棋勢，龍吼牀頭古劍聲。莫嘆柴荆無客到，綠尊還對暮山傾。

感秋

南山射虎漫英雄，投老還鄉一秃翁。世味掃除和蠟盡，生涯零落併錐空。秋驚蠹葉凋殘綠，病著衰顏失舊紅。

笠澤松陵家世事一竿惟是待西風

霜天晚興

薄霜門巷不勝清，小立湖邊夕照明。
紅穎帶芒收晚稻，綠苞和葉摘新橙。
閒評琴價留僧話，靜聽松聲領鶴行。
壯志消磨渾欲盡，西風莫動玉關情。

西村

湖塘西去兩三家，杖履經行日欲斜。
斜蹙蹙水紋生細縠，蜿蜿沙路臥修蛇。
旱餘蟲鏤園蔬葉，寒淺蜂爭野菊花。
老去郊居多樂事，脫巾未用嘆蒼華。

不睡

水本集
作水

城遠不聞鐘鼓傳，孤村風雨夜騷然。
但悲綠酒欺多病，敢恨青燈笑不眠。
水冷硯蟾初薄凍，火殘香鴨尚微烟。
虛窗忽報東方白，且復緝經繡佛前。

贈林使君

使君物外閱年華，厭聽奴兵早募衙。
雙履踏雲呼野渡，一瓢邀月醉梅花。
紅爐點汞閒消日，烏几緝經不憶家。
我亦嶮山有歸處，約君同載泝三巴。

松檜陰中百步廊，我來剝啄叩琳房。
魚腸寶劍餘蛟血，鴉嘴金鋤帶藥香。
弱水蓬萊風浩浩，赤明龍漢劫茫茫。
何妨付與神丹訣，教跨青鸞到帝鄉。

幽居春夜

霜本集作雙

暮景催入雪鬢霜十年始復返吾邦雲逢佳月每避舍
酒壓閒愁如受降三弄笛聲初到枕一枝梅影正橫窗
要知清夢遊何許不釣桐江即錦江

獨孤生策字景略河中人工文善射喜擊劍一世
奇士也有自峽中來者言其死于忠涪間感涕賦

詩

憶昨騎驢入蜀關旗亭邂逅一開顏氣鍾太華中條秀
文在先秦兩漢間寶劍憑誰占斗氣名駒竟失養天閑
身今老病投空谷回首東風涕自潸

有懷獨孤景略

富貴世間元不乏此君才大獨難成暗鳴意氣千人廢
嫻雅風流一座傾韜略豈勞平大敵文章亦足主齊盟
荒山野水涪州路腸斷西風薤露聲

累日無酒亦不肉食戲作此詩

小築精廬剡曲傍楞然蟬腹與龜腸酒錢竟處無司業
齋日多來似太常雲碓旋舂菰米滑風爐清候藥苗香

明年更入南山去要試囊中服玉方

丈亭遇老人長眉及肩欲就之語忽已張帆吹笛
而去

清本集作親

風颯長眉綠覆肩，欲推壽數意茫然。若非楚國庚寅歲，
定是堯時丙子年。銅笛一聲驚宿鷺，蒲帆數幅破晴烟。
遙知乘醉江湖去，黃鶴樓頭又放顛。

北渚

北渚露濃蘋葉老，南塘雨過藕花稀。新秋漸近蟬更急，
殘日已沉鴉未歸。銅鏡面顏無藥駐，玉關勳業與心違。
一蓑一笠生涯在，且醉蒼苔舊釣磯。

兩夜感懷

點滴空階雨送涼，青燈對影獨淒傷。身如病木驚秋早，
心似鯀魚怯夜長。鑄得黃金猶有術，掃空白髮定無方。

蕭然禪榻君休笑，一卷殘書伴枕傍。

寄葉道人

白首不堪憂患纏，要將樂事饒流年。尋山猶費幾兩屐，
貯酒真須百斛船。若信王侯等螻蟻，可因富貴失神仙。
老杜詩：王侯與螻蟻共盡，隨丘墟。太白詩：富貴與神仙蹉跎成兩失。驚人亦莫摩銅狄，秦
華松風足晝眠。

題書齋壁

隨分琴書適性情，乍寒偏愛小牕明。旋烹粟粟留僧話，
故種芭蕉待雨聲。丹藥驗方非畏死，文章排悶不求名。
是間幽事君知否，莫怪經秋少入城。

幽居書事

莫歎人間苦，不諧清時有味。是歸來已因積毀成高臥，更借陽狂護散才。正欲清言聞客至，偶思小飲報花開。紛紛爭奪成何事，白骨生苔但可哀。

秋晴出遊

雨餘清冷近霜天，拄杖閒拖不挂錢。黃葉舞風初蔽蔽，碧渠通溜正潏潏。無情日馭工催老，耐事天公聽放顛。薄暮行歌並湖去，有人偷樣画癡仙。

遊山歸偶賦

此生本寄一浮漚，歸臥茅茨又四秋。習氣未除惟痛飲，

幻軀偶健且閒遊。買蓑山縣雲藏市，橫笛江城月滿樓。與世沉浮最安樂，莫思將相快恩讐。

遠興

莫言人世足悲傷，只爲詩情合斷腸。牕檻雨晴湖灩灩，郊墟烟重月茫茫。梅花調苦愁三弄，竹葉香清泥一觴。閉戶終年嗟局促，不如新雁到衡湘。

贈道侶

崎嶇世路久知難，準擬丹成玉鍊顏。十載尋人遍巖穴，一樽隨處對溪山。蘓門晝寂聞舒嘯，函谷秋清候度關。剗欲相招同此事，疑君未辦一生閒。

晚出偏門

一段新愁帶宿醒，半欹烏帽策驢行。
村墟香動梅初破，裘褐寒輕雪未成。
渡口人爭紅日晚，沙邊雁帶碧烟橫。
悠然又覓長堤路，腸斷城樓画角聲。

遣興

壯年一箭落雙鷗，野餉如今擷藥苗。
寒與梅花同不睡，悶尋鸚鵡說無膠。
烏絲闌上詩初就，綠綺聲中酒半消。
老去可憐風味在，未應山海混漁樵。

莊器之作格隱閣項平父諸人賦詩予亦繼作

諸公共賦反招隱，細字斜行肯見傳。
語到淮南小山作

人如江左永和年，一牕蘿月禁春瘦。
萬壑松風撼晝眠，我亦尚嫌林谷淺。
因君更擬斷雲烟。

雨中泊舟蕭山縣驛

端居無策散閒愁，聊作人間汗漫遊。
晚笛隨風來倦枕，春潮帶雨送孤舟。
店家菰飯香初熟，市擔蓴絲滑欲流。
自笑勞生成底事，黃塵陌上雪蒙頭。

初夏遊凌氏小園

水滿池塘葉滿枝，曲廊危榭愜幽期。
風和海燕分泥處，日永吳蠶上簇時。
閒理阮咸尋舊譜，細傾白墮賦新詩。
從來夏淺勝春日，兒女紛紛豈得知。

庚信詩云夏淺却勝春鏡湖遊人至

而立夏
而止

秋夜

老病龍鍾不入城，濁醪粗飯餞餘生。未霜却合秋先冷，
無月江邊夜自明。出塞雖慙平賊手，下帷聊喜讀書聲。
山童睡熟青燈暗，自撥殘爐候藥鑪。

連本集
作天

山亭觀梅

與梅歲歲有幽期，忘却如今兩鬢絲。象淡月時和雪看，
麝蒼苔地帶花移。先春瘦損應多恨，靜夜香來更一奇。
醉倒欄邊君勿笑，明朝紅萼綴空枝。

射的山觀梅

凌厲冰霜節愈堅，人間乃有此癯仙。坐收國士無雙價，
獨立東皇太一前。此去幽尋應盡日，向來別恨動經年。
花中竟是誰流輩，欲許芳蘭恐未然。

山居戲題

海山縹緲斷雲扃，掃地焚香悅性靈。嫩白半甌嘗日鑪，
硬黃一卷學蘭亭。衰顏冉冉臨清鏡，華髮蕭蕭倚素屏。
尊酒不空身見在，莫爭天上少微星。

芒種後經旬無日不雨偶得長句

芒種初過雨及時，紗厨睡起角巾欹。痴雲不散常遮壩，
野水無聲自入池。綠樹晚涼鳩語鬧，回梁晝寂燕歸遲。

閒身自喜渾無事，衣覆熏籠獨誦詩。

初寒夏坐

微火如螢度篆盤，明牕坐敗幾蒲團。羣兒誰信老懷嬾，
萬事不禁醒眼看。道在簞瓢端自足，心閒天地本來寬。
此生自斷君知否，不辦歸裝也挂冠。

初春晚晴

雪盡冰消斂積威，參差碧瓦帶斜暉。土膏漸釋人東作，
天氣初和雁北歸。小閣金船嘗臘酒，華堂銀燭製春衣。
關心雖有尋梅夢，冷蕊幽香事已非。

臨安春雨初霽

自古歲多風雪，屢廢觀梅之集。

山本集同是去誤

世味年來薄似紗，誰令騎馬客京華。小樓一夜聽春雨，
深巷明朝賣杏花。矮紙斜行閒作草，晴窗細乳戲分茶。
素衣莫起風塵嘆，猶及清明可到家。

遊法雲寺觀彝老新葺小園

古寺朱扉傍水開，高僧笑語共徘徊。陰陰曲徑人稀到，
一一名花手自栽。竹筧引泉滋藥壠，風爐篝火試茶盃。
此行自喜非生客，二百年間六世來。

五世祖太保公捨園地建寺

遣興

莫羨朝回帶萬釘，吾曹要可草堂靈。風來弱柳搖官綠，
雲破奇峯湧帝青。聽盡啼鴛春欲去，驚回夢蝶醉初醒。

從教俗眼憎疎放行矣桐江醉客星

自上竈過陶山

宿雨初收見夕陽縱橫流水入陂塘蠶家忌客門門閉
茶戶供官處處忙綠樹村邊停醉帽紫藤架底倚胡牀
不因蕭散遺塵事那覺人間白日長

暮春

顛顛都門白髮新歸來一振客衣塵啼鴛妒夢頻催曉
飛絮鍾情獨殿春湖上風光猶淡沲尊前懷抱頗清真
詩成絕恨知心少自寫吳牋寄故人

初夏閒居卽事

門巷蕭蕭日正長方牀曲几傲羲皇輕風忽起楊花鬧
清露初晞藥草香對奕兩奩飛黑白儻書千卷雜朱黃
穿簾語燕能從我分爾湖邊一夏涼

題齋壁

二十餘年此結茆園公谿父日論交風翻半浦亂荷背
雨放一林新笋梢隔葉晚鷺啼谷口唼花雛鴨聚塘坳
出門行罷還無事借得丹經手自抄

稽山千載翠依然著我山前一釣船瓜蔓水平芳草岸
魚鱗雲襯夕陽天出從父老觀秧馬歸伴兒童放紙鳶
君看此翁閒適處不應便謂世無仙

書室明煖終日婆娑其間倦則扶杖至小園戲作
長句

美睡宜人勝按摩江南十月氣猶和重簾不捲留香久
古硯微凹聚墨多月上忽看梅影出風高時送雁聲過
一杯太淡君休笑牛背吾方扣角歌

登北榭

遠城山作翠濤傾底事文書日有程無_奈我為揮吏散
獨登樓去看雲生香浮鼻觀煎茶熟喜動眉間煉句成
莫笑衰翁淡生活宅年猶得配玄英方十有二十
峯榭詩

齋中間詠

風號萬物作濤聲雲截千峯似几平多病支離仍老境
暮秋蕭瑟更山城燕觴久罷塵痕積庭訟全稀蘚暈生
莫道齋中_日無事焚香掃地又詩成

安流亭俟客不至獨坐成詠

憶昔西征鬢未霜拾遺陳迹弔微茫蜀江春水千帆落
禹廟空山百草香馬影斜陽經劍閣鶻聲秋曉下瞿唐
酒徒雲散無消息水榭憑欄淚數行

秋雨北榭作

秋風吹雨到江濱小閣疎簾曉色分津吏報增三尺水
山僧歸入萬重雲飄零露井無桐葉斷續烟汀有雁羣

秘本集
作清

了却文書早尋睡，檐聲偏愛枕間聞。

歲晚書懷

早見龍翔上太清，紹興未游官玉牒所即今孤宦老山城。靈丹不解換凡骨，薄命枉教生太平。積雪樓臺增壯觀，近春鳥雀有和聲。如山吏牘何時了，惆悵西窗晚照明。

病中偶書

燈火青熒古屋深，挂冠境界已駸駸。竹枝影瘦橫殘月，藥杵聲寒續算砧。病覺死生真大事，老知道德愧初心。經龕禪版殊當勉，嬾學莎蟲事苦吟。

出城

翩翩烏帽出林柯，掠面風微酒半醒。戍火難尋玉關夢，衣塵空愧草堂靈。天晴山雪明城郭，水漲江流近驛亭。客鬢不如隄上柳，數枝春動又青青。

東齋偶書

華髮蕭蕭不滿簪，強扶衰病著朝衫。寒廳靜似阿蘭若，佳客少于優鉢曇。詩酒放懷窮亦樂，文移肆罵老難堪。棄官若遂飄然計，不死揚州死劍南。顧况詩云人生只合揚州死而余嘗有歸蜀之意

夜登千峯榭

夷甫諸人骨作塵，至今黃屋尚東巡。度兵大峴非無策，

收泣新亭要有人，薄醲不澆胸。壘塊壯圖空，負膽輪困危樓插斗，山銜月，徙倚長歌一愴神。

旬日公事頗簡喜而有賦

社近樓臺晝已長，豐年頗減簿書忙。雨催樹綠吹簫陌，日射塵紅擊鞠場。農事漸興初浸種，吏衙早退獨焚香。晚來別有歡然處，檢教兒書又一箱。

紙一月讀一箱

倚欄

閒岸紗巾小倚欄，吳中三月尚春寒。蜂脾蜜滿花初過，燕觜泥新雨未乾。老厭簿書思屏迹，病逢節物強追歡。

一樽又動流年感，城上斜陽畫角殘。

曉出東城

聽徹清笳聽曉鐘，據鞍漏鼓尚寥寥。西樓落日徑三尺，北嶺亂雲生半峯。蒼磴幽尋過古寺，綠疇小駐勞春農。烟邨已遠猶回首，恐有鷓鴣與伏龍。

謁告歸臥晚登子城

此身真是抱官囚，厭見長空赤日流。齋壁曉山千嶂雪，扇紈新雁一汀秋。繫船空作清湘夢，御氣難尋太華遊。菱角藕絲還恨少，強攜玉瀝醉高樓。

寓歎

劔外歸耕夢不通，公車上疏路何從。有心求縮地，萬里無羽可朝天。九重狂誦新詩，驅瘧鬼，醉吹橫笛，舞神龍。明當采藥玉霄去，他日君看冰雪容。

到嚴十五晦朔郡釀不佳，求於都下，既不時至，欲借書讀之，而寓公多祕不肯出，無以度日，殊惘惘也。

桐君故隱兩經秋，小院孤燈夜夜愁。名酒過於求趙璧，異書渾似借荆州。溪山勝處真難到，風月佳時事不休。安得連車載鄂釀，金鞭重作浣花遊。

書睡

真本集
作身

書獄徵租自笑忙，暫歸聊得憩匡牀。屏圖夜雨孤舟句，枕帶秋風九日香。方睡菊一卷蠹書樓倦手數聲殘角報斜陽，清泉冰罷，西窗靜更覺茶甌氣味長。

休日與客燕語，既去聽小兒誦書，因復作艸數紙，賜沐家居，謝椽曹，暫將蕭散慰勤勞。琅琅應節兒書熟，夢夢生風客論高。玉屑名牋來濯錦，風漪奇石出臨洮。託盟翰墨吾安敢，揮灑淋漓自足豪。張季長寄洮研何元立寄蜀紙皆近

到新定

征婦怨效唐人作

萬里安西久宿師，東風吹草又離離。玉壺貯滿傷春淚，

不無學
下有房
字

錦字挑成寄遠詩擊 將軍方戰急押衣敕使尚歸遲
粧臺寶鏡塵昏盡髮似飛蓬自不知

丁未除夕前二日休假感懷

夢寄梅村竹塢間不堪客裏見春還潮生水欲通南澗
雪霽雲猶冒北山病思過年應小減官身得假未全閒
變名吳市男兒事末路低回自笑孱

閉閣

閉閣孤城賸放慵桐江清絕勝吳松雲收忽見北山雪
月落正聞西寺鐘世味老來無奈薄土思病後不勝濃
尊羹豈止方羊酪輕許不生笑士龍

北窗閒咏

陰陰綠樹雨餘香半捲疎簾置一牀得祿僅償除酒券
思歸新草乞祠章古琴百衲彈清散名帖雙鈎榻硬黃
夜出灞亭雖跌宕也勝歸作老馮唐

放翁先生詩鈔

七言律

此處為詩文內容，因文字模糊，無法辨識。

